

RADZI TAWAR KHIDMAT GUAMAN

24 NOV 1988

KUALA LUMPUR: Tokoh politik Semangat 46, Datuk Radzi Sheikh Ahmad bersedia menawarkan khidmat guaman kepada bekas seorang senator dari Perak yang telah didakwa menuduh Datuk Seri Dr Mahathir Mohamad sebagai komunis.

Kata beliau, khidmat tersebut jelas melambangkan hubungan

'setia kawan' di dalam memperjuangkan keadilan melalui kumpulan Semangat '46 yang dipimpin oleh Tengku Razaleigh Hamzah dan Datuk Musa Hitam.

"Saya sanggup menjadi peguambela kepada mangsa tuduhan tersebut atas nama perjuangan, apatah lagi sebagai seorang

kawan," tegasnya yang juga seorang peguam.

Pergerakan Pemuda UMNO Malaysia Jumaat lalu telah menyertakan pita-pita rakaman sebagai bukti untuk mengambil tindakan undang-undang ke atas bekas senator tersebut ketika membuat aduan di Balai Polis Dang Wangi di sini.